

續行水金鑑卷第六十六

運河水 白河 原委二

唐河故道支流皆在三河合流之後因滋沙二河俱入唐河故皆從唐河其一支自安平縣西北二十五里之院西口為院西口河俗名古滋河亦曰岔河東南流入饒陽縣北境南流與滹沱河會謹按唐滋沙三河自祁州合流逕安平縣北之院西口今河徙而北其在院西口者河形雖存河流已失其入饒陽北境南會滹沱者河形湮沒不可尋矣自饒陽縣之岐河村東行十里逕河頭村又東行十六里逕劉家莊折而南又折而東北流十二里分為二支一支東行十里入河間府獻縣西北境俗名古唐河東北行八里入肅寧縣東南境又

續行水金鑑卷六十六

運河水 一

東北行八里復入獻縣西北境又東北行十餘里入河間府西南境又北行十里逕河間府城西遶城而東為儉河河間縣志為澗河云北流十里逕徐家口

古洋河自獻縣北來會又北流十餘里逕雙塔村又

名半截河謹按古洋河不見他書河間縣志鐵燈竿水源自冀南逕博野踰滹沱過洪

沙港入河間城南通濟橋東北流至百姓橋北行數百里入直沽達海其支流一自蘇家口一自徐家口並入滹今河間縣南乾河二道自饒陽東北流獻縣西北又逕肅寧東南入河間縣西南轉城北者為古唐河繞城南者為古洋河唐音近或即古唐河支流抑或自上游洋東五千二淀流出遂以洋名之皆不可考矣又北流十里逕左家灣入任邱縣南境又北流

十餘里逕相子口分為二一西北流十餘里逕縣城

南為鏡河亦曰玉帶河謹按保定河間二府舊志滋沙滹之水舊自蠡縣引流而

東歷肅寧之五千淀而達於雄縣之瓦濟河中堡玉帶二河皆其經流處也後自蠡縣北入高陽歷新安雄縣而出任邱之趙北口於是故道多湮而玉帶之名亦移於順天府之保定縣矣考鏡河之名於大學士李時記據通志所云其上游當是肅寧縣中堡河分爲白龍河下爲趙王河與鏡河無涉蓋水道變遷無從悉考矣相傳明嘉靖間滹沱泛漲爲害遂南塞相子口北塞順子口水不旁分故道就湮本朝雍正四年修建順子間以洩邢家泊積水村民利之近亦漸淤至玉帶河之展轉遷移尤無確據固不獨移於保定縣而已又任邱縣玉帶河當卽肅寧縣之玉帶河特中間淤斷遂兩地共此一名志乃以環城如帶爲言則城濠孰不又東北流十五里逕邢家泊仍如帶獨此云然耶

合於古唐河一東北流二十里逕東莊爲東莊河折而西北流十里合於鏡河又北流八里入於五官淀一支北流十里入肅寧東南境合馬窪洋東淀五千淀流爲中堡河東北行五里逕肅寧縣城南十五里

續行水金鑑卷六六

運河水 二

又名玉帶河

謹按中堡河上接饒陽東北境之王聖口由縣南子由口稍北東行十五里逕

古增城之南卽舊肅寧縣治也一統志以唐河下流爲中堡河中堡下流爲玉帶河玉帶河下流爲鏡河今中堡如故而玉帶河之名已隱其下流爲趙王河入河間縣境河身淤廢不可識入任邱縣境河形復著却在任邱縣河之西鏡河上源則爲古唐河洋河合流而入任邱縣者一東一西與中堡截然爲兩水道遷徙源流固又東北行八里逕百道口
謹按百道口難悉辨也
畿輔通志謂在府城西今肅寧縣白龍河爲中堡河分支其南爲百道口往時以百道屬之府城者以肅寧嘗廢爲鎮屬河間也
又分爲二一北流爲白龍河逕豐

樂堡折西轉東又北行凡二十里逕朱家窪

在肅寧縣北二

里入河間縣西北境又北行五里逕大城縣境又北行五里入高陽縣東南境是爲廢潞龍河河流已失

微有河形而已

謹按廢潞龍河卽古高河也其上源卽肅寧之白龍河自河間縣流入境

北至高家莊又北行至瀋龍河東岸隄而止高河未
詳其源漢書地理志涿郡高陽應邵曰在高河之陽
水經注引春秋杜預注濡水出高陽縣東北至河間
鄭縣入易水是濡水與滹沱澆易互舉通稱矣方輿
紀要高河在河間府西南郡在高河滹沱之間故曰
陽縣東二十五里廢瀦龍河在東南正與應氏縣在
高河之陽合明洪武三年高河溢遷治於今農家口
自縣遷而高河漸淤廢瀦龍河亦不可尋求矣又山
海經郭景純注澆水過博陵入易蓋至此與濡水同
入之也而方輿紀要於高河下云澆水在城西即易
水支流澆豈源於易水耶且云亦自安州高陽縣境
分流通北又北流入任邱縣界仍合於易水澆又何
嘗出於易而復入於易耶考河間府獻縣西北之古
唐河即是澆水古唐河一分至任邱為鏡一東北行
河還復合於古唐河紀要或因此而誤也

二十里逕中堡村又曲折東北行十五里入河間縣

西北境下入高陽縣東南境為趙王河

帶是處有之皆宋時轉漕之河俗又北行約二十餘
名相沿實則古陳玉帶河下流也

續行水金鑑卷六十六

運河水

三

里入任邱縣西南境又北行二十里逕蟲王廟又折

而東北行三十里逕鄭州南

又東北行三十里逕王村口合古洋河入於柴火淀

謹按安平縣西口河本滋河故道合唐河舊入肅寧
縣境名玉帶河入河間縣境名儉河二河皆見元史
但志未言其源所自玉帶河或以形似得名儉河則
滹沱泛自饒陽縣鐵燈竿口與唐滋沙合者也以水
味鹹為鹽河儉則疑為謙聲之轉也河渠志謂引儉
河入鹽河是以下游之稱被之上游也河間縣志更
名澗河或以現為澗又或因舊志誤為徐河而水經
注有徐水三源齊瀉一澗之文遂誤為澗耳至鏡河
則以邑令王鏡堂得名中堡河東莊河則以漕運得名
白龍河則以會伏龍河得名趙王河則以漕運得名
古洋河則以唐洋聲近而訛其實皆唐河也又院西
口河一統志在安平縣北上流謂即派水自祁州三
岔口與唐滋二水合流入縣界又為沙河故道一支
矣今以三水合流皆以唐河概之以省繁複

自祁州西境之韓村東行逕辛安村名辛安渠東逕

祁州城南又東逕祁州東境合東滹渠又東入博野
縣西南境之南陽村名南陽村河東北行入蠡縣西
南境之王家店名王家莊河飲牛池水入焉池在蠡縣東南
梁家莊東逕縣城南折而北遶縣城東又北至楊家莊
合小陳村河又北逕古靈山名古靈山河又北入清
苑縣東南境名土尾河下流入於保定府府河一支
起祁州西北之西照村名西照渠東合黃臺渠東南
入博野縣西境之大西章村名大西章河東北入清
苑縣南境之段家莊溝亦名舊唐河其下流入於府
河一支起蠡縣東南之齊家莊名齊家莊河河身在
蠡縣境者淤廢不可復識東北入高陽縣西南境名

續水金鑑卷六十六

運河水

四

楊村河瀦爲延福淀又東北逕高陽城南遶城而東
又名馬家河瀦爲蟹子窪牛蹄窪小滂淀大滂淀又
北行入安州東南境又名邱家道口河又北行逕馬
家棚淀又東北行逕相口村入於白洋河謹按高陽縣志唐滋
沙三河水合流逕博野縣東入河間明正德十二年
藺家口北決遂出玉田緒口北入邑逕延福村瀦爲
淀又北逕圈頭更名方輿記要馬家河滹沱支流
也自晉州饒陽縣鐵燈竿口導流而北逕蠡縣境又
東北至高陽縣南延福村楊村河土尾河俱流合焉
瀦爲馬家河淀復東北流入安州界注於易與高陽
縣志不合一統志東南三岔口沙滋二河合入博野
縣界又名蟾河自此而折北流逕縣東南二十里入蠡
縣界又名楊村河舊入河間府境明正德十二年北
決逕縣東入高陽縣界馬家河逕縣東三里東北入
安州界爲邱家道口河至州東南三十里滙於白洋
淀此蓋河間古唐河之徙於此者而以爲滹沱支流
或馬家河本有滹沱分支而上源久斷自唐河徙入
遂又以爲滹沱水下流也今則自三岔口而下統以瀦

龍河名之復徙而東馬家河故道亦淤矣馬家河自康熙四年瀦龍河決入布裏河而流淤至三十七年斷流今河形雖存河流多涸前此暢流居民引以灌溉天津百貨俱由淀達於城南且由明以來科第不絕李文勤父子相繼時稱極盛故民間謂之為富貴河自斷流以後大非昔時矣邑民紳士嘗思開濬而馬棚一淀久成陸地水廢無所受邑之舊城安州之相口兩村地勢窪下復恐淀水倒灌河水建瓴卽蠡縣之齊家莊上承瀦龍河故瀦久淤亦慮衝決由是議格不行蓋河之通塞係俗之盛衰皆時爲之也又按漢書瀦水入河水經謂入易山海經謂入河郭璞注謂入易明史地理志謂下流合南易是入易之水已非復入河故瀦矣河間以東大河故瀦渺不可考瀦水入河之道又烏從識之畿輔通志謂瀦水故瀦多在河間任邱二縣界者乃入易舊流也今可考者在邱縣東北之古唐河西之趙王河高陽縣西南廢瀦龍河縣東馬家河皆入淀故瀦其自祁州博野高陽獻縣河間任邱入淀者始流也自祁州博野肅寧河間高陽任邱入淀者初遷也其分支東爲趙王河西爲白龍河下流爲瀦龍河自祁州博野蠡縣高陽安州入淀者再遷也今則不由馬家河而由布裏河矣自明正德中決由馬家河入淀肅寧之流

續行水金鑑卷六十六

運河水 五

遂廢 本朝康熙四年決由布裏河入淀馬家河上流亦淤雖同一逕安州入淀而一徙於馬家河則由相口村再徙於布裏河則由馮村與逕任邱入淀之故瀦凡三遷矣禹貢雖指以今輿地言之渾源靈邱廣昌曲陽唐縣定州望都祁州博野蠡縣高陽安州新安任邱文安諸州縣界中皆古瀦水所行也宋初猶未改自咸平中何承矩興塘灤以限契丹戎馬之足於是始引水歸北而文安之瀦遂空考文安爲漢時瀦水入河之道至郭景純酈道元時已改而入易蓋河自東漢王景治汴之後改由千乘入海不復北流故郭酈皆以瀦爲入易與漢志 滹沱河源出山西入河之文異也 畿輔安瀾志

代州繁峙縣太戲山流經太原孟縣北始入直隸平

山縣北又東逕靈壽縣南入正定縣界 按滹沱水

急流濁所至填淤自入寧晉泊滏澧水道俱受其壅

塞雍正三年東徙決周頭村直衝東鹿環城而流彌

漫四野四年 怡賢親王奉

命查勘束邑官民籲請障歸故道仍入寧晉泊 賢王以泊爲三郡河流滙歸之地有翁受節宣之功豈可復聽濁流淤塞致衆水無歸乃親行相度得舊河一道由木邱南至焦岡入滏河委員自第四溝開挖一路疏通於周頭築壩障其東下而導之南流自是東深無虞衝潰泊水免患淤塞矣 按滏沱之在山西本非鉅川至平山合冶河而始大冶河一名甘洶河源自山西平定州之松嶺流至平山初不與滏水相通元初鑿而合之其勢遂猛延祐間引闢冶河害已減半後冶河下流漸塞復入滏沱歲有潰決皇慶中議復之而未果 怡賢親王於敬陳 畿輔西南水

利情形疏內奏請塞冶河入滏之路循其故流加以挑濬引入浚河誠爲一勞永逸之計 子牙河在大城縣東亦名沿河大城縣志沿河自河間縣之龍華橋轉入縣西南二十五里之馬村東北流徑十里灣自南而東徑白洋渡四里口至縣東二十五里滙黑龍港河亦名交河從而北折繞縣東十二里趙扶村又北逕子牙村故名子牙河亦名鹽河冊說鹽河在縣南十里自河間流入分二支一西北流入文安縣石城淀一北流又分三支西一支入文安黑母淀東一支入大小窩口中一支入霸州文爾淀滙於武清縣三角淀入白河按子牙河總會南北二泊滏諸

水終以滹沱爲經流其湍悍迅激渾濁衝墊性與餘河異水經所云右出爲澱北爲減口者是也伏秋汛發奔騰河間以北靜海以南皆被其害康熙三十九年

聖祖仁皇帝親閱河工

特授方畧發帑於獻縣河間東西兩岸高築長隄西接大城東接青縣靜海各二百餘里又於廣福樓之焦家口開新河一道東北至賈口入淀特設分司一員董其事令河間府同知分轄增置縣丞主簿等官專汛防修自是河大青靜之民始獲安居矣嗣後雍正三年分司不得其人河員怠於其職隄多潰決 怡

賢親王奏准動帑修築又奏請撤回分司歸天津河道管轄 按子牙河至王家口入淀之處分爲二派一派西流徑文安土橋村至趙家莊又分二支西支抵文安大隄而北至龍塘灣北支徑三灘里至張官營抵石溝河往往橫截清流兼害隄防一派東北流徑瓦子頭斷隄村岳莊莊頭村過王家泊抵臺頭會清河而東雍正三年經 怡賢親王奏請障其西流約束歸一四年令清河道王紘相度工費及汛水過後西支自淤正流俱由瓦子頭一支而莊頭村南舊有私河一道東由陳家泊歸獨流大坑急溜衝刷遂通舟楫此亦水自遂其東下之性非人力所爲然順

而導之再加疏濬俾全河勢歸大坑則臺頭一河無
渾濁之擾清水可暢流矣再子牙河新河入淀之處
東西相距二十餘里兩河之隄南連而北缺兩隄之
間村落數十地皆肥美但北面無隄每遇二河漲溢
淀水倒漾則數十村落皆在水中而河員猶謹守兩
隄幸獲無虞則自以爲功此如防盜者守牆垣而開
後戶盜入胥篋已去垣牆守者猶巡警徹夜此何爲
也故北面之隄斷宜接築查王家口村南東岸有古
河一道名三家淀河緣東隄出瓦子頭橋下迤運東
北與新河合而入淀雖已淤淺河形宛然若挑挖深
通亦可分正流之漲挑土卽以築隄補缺成圍圍內

之地分別高下疏列溝塍於西南建閘引漑東北洩
而出之一舉而河隄兩成營田亦就矣再查新河形
勢由西南而趨東北從高就下直注獨流大坑甚爲
徑捷但河身淺狹隄岸殘缺若深濬堅築於焦家口
分流之處建挑水壩逼子牙之溜移入新河衝刷愈
深則王家口以上無羨溢之虞卽臺頭一帶亦免墊

淤之患矣

畿輔
通志

滹沱河卽惡池也源出山西代州繁峙縣東北之秦
戲山品字泉西南流合玉斗泉又西合老泉又西合
華巖嶺水逕縣城南又西入代州則有三里河七里
河西峩河東關河羊頭神河九龍河諸水入焉又西

南流逕崞縣東南則有龍泉南橋河陽武河銅河北
橋河板橋河諸水入焉又西南流逕忻州北之忻口
逕蝦蟆石折而東逕定襄縣北忻川水合沙河南河
金水河一滴泉前山泉海滿泉注之牧馬川合石代
橋溝嵐水綠水泉三會泉諸水入焉又東南流逕代
州五臺縣西南合聖阜水又華嚴河東峪河野馬溝
注之又清水河合射虎川盧虎水虎陽河入焉又東
南流逕平定州孟縣北則有烏河溫泉注之又龍
化河滙興道村泉注之又東流至直隸正定府平山
縣西北境惡石口一名卧石口細水河自孟縣來注
之又有沕沕水自西來注之又東流五十里則有兩

小水出自縣北山南流注之又東流八十里則有冶
河自井陘縣合甘洵河綿蔓水東北流注之謂之合
河口又東流十里逕平山縣城北又東流四十里逕
王角村又東流入靈壽縣西南境又東流二十里逕
忽凍村則有嵩陽河合溫泉水東南流注之又東流
七里逕木佛村有衛水自縣東北南流入焉又東流
逕縣東南界又東流逕白莊村入正定縣西北境又
東流四十里逕其城南有冶河舊渠西南自獲鹿縣
界入今已不通又東流十里逕縣東南則有周泉韓
泉大小鳴泉白雀泉自西北東南流爲相棠河南分
爲清水河又東繞城東出爲東大道河又東逕林濟

村爲林濟河南流入焉城北有旺泉河合閻家溝水東流折而南轉分流與林濟河合注之又東流十里逕張家莊入藁城北境之故營村歷隄裏社九門南又東流十八里逕只照村旺泉自正定縣東南流爲只照河注之又東流十四里逕縣治又東流二十二里逕縣東南又東流五里入晉州西南境又東流三十里入束鹿縣西境又東南流逕衡水縣安濟橋又東北流逕深州南自武強縣之東南境東北流五十里逕完固口至獻縣臧家橋以下爲子牙河

續行水金鑑卷六十六

運河水

年南徙自州頭村經釣魚臺東南流入束鹿縣百尺橋與清水河並行之道亦殊雍正乾隆年間自晉州西界之西趙莊韓莊之道亦不符合乾隆二十四年改由河頭村下入束鹿曹家莊逕寧晉好古村曹谷莊段家莊四芝蘭紀家莊分東西兩股由冀州營圪塔村歸舊道入滄陽河長四十里河身已淤爲平陸矣蓋或南或北迄無定所千支百派任其所如歲月遷移大勢總趨於清水河約畧固可得而言也

按廣陽隄廢難以修復滹沱漸向南趨嘉慶四年將寧晉縣凌口衝決大營上村等河槽俱被淤塞雖經挑濬旋即淤阻近年來因冀州新河寧晉隄工俱有漫口通連寧晉泊商艘民船皆由冀州之柏牙莊新河縣之大田莊寧晉縣之侯家口等村挽入寧滹晉泊河泊相連積潦難涸改道之議所由來已

滹沱故道 滹沱未徙之前其故道自藁城縣東南入晉州流逕州城南爲新河道又東流三十里入束鹿縣西境之東岔口二派分流而合於縣東南之石干村何生村凡二十里出境

謹按滹沱遷徙衝突晉州東鹿當其下流被患尤切

一由晉州州頭村之西張岔口東接縣境之東張岔口繞城南而東抵深州之西南界入衡水縣此即晉州志所謂新河道也一自東岔口分流東逕鄉井回生村下流與新河道合此雍正四年所決之河也改由西曹家莊則仍康熙五年由彭六莊東抵東曹家莊入冀州隄北村歸滏陽之舊道也新河道之北昔有支流二道交纏入正河或漫入深州亦皆涸視明代以前言之水道迥不侔合矣又東南流

自束鹿縣舊道入深州衡水與滏陽河合其自束鹿舊道之南境入寧晉縣東北之白木村合滏陽河者

南流東轉西北境入冀州為滹滏合流河滹沱故道

在正定縣南者為元明時所開濬今已湮南泛於藁

城晉州入趙州之寧晉縣曰鱣河又南入寧晉胡盧

河其北自晉州流入束鹿縣以達於冀州衡水縣之

清水河即滏陽河曰新河道近復南移此道遂淤謹按東鹿縣滹

續行水金鑑卷六十六

運河水

沱乾河上自晉州之東南西張岔口村起由縣之西南東張岔口村木邱村傾井村西城村孟觀村棗營村歷縣正南趙古營回生村下入深州西南徐家屯村長四十二里歸滏陽河自乾隆二十四年七月間淤斷水勢南徙又有引河一道自晉州東南之石碑莊起至縣西南東張岔口村木邱村彭六莊劉家莊新興村東城村耿虔寺張光村至縣正南之花里村三樹村溫朗口孟家莊入冀州之隄北村雍正九年河流北徙枯斷矣乾河溝一道上自晉州東南河溝村起由縣之正西八里莊傅家莊田家莊張家莊新截歷縣之西北劉奴營月營殿士營通士營竇家莊蔓延至縣之東北里順井村下入深州西北之馬蘭井村如遇水勢大漲由此溝流注武邑之龍治河又自網子村岔流東北逕迢家莊又北逕墩台白龍邱貓兒營屈東與八里莊之支流合於田家莊乾隆二近城西關外遶城西南隅之南莊歷城東南合於新河道又晉州城北滹沱河故道微有河形自藁城縣兩河村入州屬之北辛莊起其越河而東南出者為至東曹村止長四十三里

鹽河則有枯涿水舊自南宮縣流入之其自藁城縣

東泛於晉州暨東鹿縣境又東流衝水之西又東流南轉逕張家圈分大小二支大支南逕焦旺村小支

東北至河溝村逕石橋上下沿注於滏陽河謹按滏

十三年南徙入冀州遠去深州百餘里至是乃復北

出而衝水上下並當衝道起州之徐家屯東流逕丁

家屯李家屯孫老人屯朱老人屯復屯陳家口逕花

里村出境南入衡水縣之橋頭村又南逕柳林村趙

家園張家圈而分大小二支大支東南流逕野頭又

折而南流境三溝又南逕焦旺村在衡水縣之東南

境小支亦自張家圈北逕李家鋪折而東轉逕胡家

堂至河溝村下入石橋在縣之東北境並匯流於滏

陽河北起平山靈壽縣而東匯滋水出於行唐無極新

樂深澤四縣之境為石曰河危渡口神渚水下入保

定府博野縣境與唐沙滋三河會其自晉州北泛於

深州河間天津之境曰鴉兒河或東北逕深州安平

饒陽二縣界或東北逕冀州衡水武邑二縣界或東

北入武強縣之清水河曰白馬河曰交津口又有龍

冶河門家溝駱駝灣謹按龍冶河係滹沱谷支上接

莊後入境起至羅家莊後出境止長三十八里寬入

丈入武強縣城西南鄭家林大村廠岔河村歸入滹

沱匯流河長三十五里又有牛村溝在又東流入深

武邑縣長十里入龍治河乾隆四年開

續行水金鑑卷六十六

運河水 七

州西南境自深州南溢下入冀州之清水河謹按深

正河由東鹿縣回生村流入州境之西南由孫老人

屯朱老人屯至陳家口出境入衡水縣之橋頭村長

三十里乾隆二十四年秋汛水發時由上游東鹿界

南遷州屬無水又故河一道自東鹿縣木店村流入

州境之西南由孤城村吐露口出境入衡水縣西之

浪子橋長四十八里久經淤平間有微跡百姓布種

禾苗又岔河一道由東鹿縣順井流入州境之西

南由馬欄井村至趙劉高張圈即行分股南股由州

屬郭錢屯大屯王寧北股由州屬陳二莊護駕池同

至三龍堂出境會入武邑縣之西北崔家龍堂久經

乾其北逕安平縣南境又北逕饒陽縣南境又東自

饒陽縣分支入肅寧縣東南境下逕獻縣河間二縣

境曰饒河呂漢河岔河乾河崖又東北逕任邱雄縣

文安保定縣境歸五官淀滙流入海曰洋河即唐河

故道也謹按饒陽縣志饒陽水北去縣四十五里寰

宇記舊在縣南光武所渡處魏武帝因饒河

故瀆決令北注新溝所以在於縣北後刺史楊真改

為清寧河是也通志於安平院西口河下云西通祁

州沙滋滄三水分流入饒陽界注於滹沱今考舊志

所云滋河距魯口故城正西十五里院西口河即滋

河下流而通志直云注於滹沱則是河為魏武決後

之滹沱故道的矣其名為滋河者或因滹沱南徙故

受三水下流因據其南一水而名之耳至舊志云黃

河故道在縣南八里今絕流其故道濶十里兩崖俱

有古隄見水經今考水經及注並闕此文而古之黃

河不入縣境意亦滹沱徙流之故瀆也又據魏武因

饒陽河故瀆決令北注新溝是饒河在滹沱以北漢

縣以南今縣境南自白馬河以北別無河形或黃河

故道即古饒河故瀆後為滹沱所徙遂沒其實舊志

於饒河云在縣西南三十里豈亦得於傳聞而非別

有考證歟又饒河下接獻縣古洋河流經河間縣城

東與古唐河合此即鐵燈竿口之水道也其乾河一

道即寰宇記下博縣之傅家池今獻縣西北有傅家

屯明史地理志深州滹沱河在東北有傅家池

輔通志傅家池舊受滹沱河水自河北徙池久淤今

續行水金鑑卷六十六

運河水 三

起耿家莊則安平縣西南正西之所會也逕劉家莊

又分為二支一支逕田家莊東流為李家池白家池朱

家池一逕東西支窩圈子裏傅村羅家屯東流為張

家池復合為一東流至縣北之梁村與安平縣之西

北一支會自後毛營起入縣境俗呼為半截河即岔

河又東流與西南正西二支總為一派東流逕大小

草廬小劉家莊小李家莊范安莊逕呂漢村名曰呂

漢河又東流屈西則有小屯溝水入之小屯溝起自

縣西南之聖水村俗呼為古黃河東逕橫頭影林村

小屯村合房又南有古饒河下合乾溝而同入於河

間縣之古洋河長三十二里東北流至縣城東與古

唐河會又按安平縣乾溝三道皆滹沱之支流西

南一支上接東鹿界入縣境東河疇角邱村劉家店

劉疇村其南岸為大轉村杏貢村野營村新莊店下

接深州刁家馬禪院村復東入本境之莊窠頭南廟頭徐家疇敬思村正西一支上接深澤縣界入縣境之崔安鋪白駝羅林家鋪子文店平頭北黃城東黃城別駕村郭西村路家莊王家莊天齊廟二支合流於縣城西南隅又東逕槐林店王官屯竇家莊而東北折逕西南遂家莊北張家隅南護家村曲家莊薛哥莊王哥莊東呈干毛家莊東廟頭而入於饒陽之西境西北一支亦接深澤縣界入縣境香官莊羽林莊何家莊崔會村劉吉口新營村辛店村南蘇村傅哥莊欽石村東西牛具村油子村石家莊夏里村竇家口侯家口前中後毛家營入於饒陽縣境又洋河為滹沱分流亦曰洋河以上游有洋東五千二淀之目故以洋名之實即唐滋沙三水競由之道也今唐河之流既非故道而滹沱復南徙其別支之下由單家橋歸青縣鮑家嘴入乾河今日新開溝自饒陽竇運者不復與此合矣

店東北入獻縣之傅家屯百道溝逕橫頭留鉢小河

屯閻家莊耿家莊馮家橋而流絕謹按饒陽新開溝五年知縣侯珏新開以洩各村雨後積水獻縣古乾河自縣西鄉稍南接武強東北境入又東北行經元

續行水金鑑卷六十六 運河水 古

昌樓之北過馮家橋之東長五十六里以下湮沒不可尋求河身寬廣尚堪疏引瀝水土人呼為古乾河

上游在武強縣者則有滹沱其東南一支入交河縣乾河之稱當即滹沱故道也

曰交河俗名高河謹按交河縣有高河一道上自獻縣呂家莊東入縣屬姜家莊境由

吳家潘村入獻縣境與古滹沱河交因下流宣洩瀝水不暢乾隆年間於紅廟潘村北開許家溝長十里

至西柏舟市村引入清河高河本非大水即高陽之高河亦非漳水可比交河似應以漳河滹沱二水相

交而得大名不當舍其稍西北出逕獻縣河間二縣曰

鐵燈竿河口謹按鐵燈竿口舊號四水大約以唐滋沙與滹沱並稱者至唐滋沙三河之水

自祁州合流經博野縣為楊村河引而東南流入河間府境滹沱之水魏武因饒河故瀆決令北注河間

此四水之由饒陽入獻縣者也今滹沱別徙其自河唐河由蠡縣遷流自饒陽以下皆成枯渠矣

間縣迤東流入任邱文安二縣之境曰黃龍港河即

古長豐渠也謹按河間縣志黃龍港河在縣東北上流平漫已枯斷矣自當境卧佛堂流逕

柴家莊中樂村入任邱縣之汪家莊杜家莊長豐鎮邵家屯楊子屯閻家務韓家莊插莊約長七十里下入文安之大窪今涸今河在長豐鎮之東淤塞既久通流形跡無從確考寰宇記滹沱在縣西北三十里又東溢為趙淀今川原改易滹沱經縣東未嘗經縣西也又黑龍港在河間東又有白龍河在西黃龍河在中疑皆一時並流分洩之渠而以類名者也寰宇記瀛洲河間縣下云大浦淀又名大廉淀在縣西南四十一里水經注云大浦下導陂溝競奔咸注滹沱故人因決入之處謂之百道口畿輔通志百道口在河間府城西今肅寧縣百龍河與中堡河分支之南為百道口繫之府城者以肅寧嘗廢為鎮屬河間也其東起自獻縣逕河間縣境下入順天府之大城縣而東北入天津府之青縣曰黑龍港河其斜出者

曰王淋口支河下流入於靜海縣之鹽河為子牙河

謹按黑龍港河有三支曰東黑龍港河曰中黑龍港河曰西黑龍港河係疏消上游獻縣河間一帶瀝水並無來源會歸子牙新河北流由靜海縣新河一帶直達獨流老淀三支惟西支最長首起獻縣東南之

續行水金鑑卷六十六

運河水 五

雙隄口東北流逕小屯楊家園拋莊各莊壘頭沿莊入河間縣之東柳村苑各莊邢各莊孤莊頭曹家務留堰石佛寺寶店牙兒莊則有王淋口支河自縣東北引注流入大城縣長六里有奇又東北逕孔家務白塔務下入大城縣東南之遠南頭其東岸則青縣之邢家務自此犬牙相錯矣又東北逕長蘆灘周家莊大木橋紀莊任前莊前流莊蓋益莊下抵空城村與中南二支會中支首起河間縣之崔莊東北流逕賈村古家庵向新屯與東支合又從向新屯分支東北逕馬家墳入青縣程村吳趙下分流十里仍歸本河逕辛莊曹家寺白廟胡家店抵空城村與西支會東支起至河間縣西河頭逕向新屯與中支合又東北流逕本門店金家堂下有涵洞二又東北逕李豹家莊王鎮莊西為空城村與西中二支合其下名岔河村合流而入子牙河西支長一百四十餘里東支長七十餘里中支長六十里又青縣東支黑龍港河一道南由獻縣盧家莊流入本境之西南由西河頭萬良寺木門店馬家橋至東空城會又總支出境入大城縣界之西北段家莊子牙新河長七十一里有奇又中支黑龍港河一道南由獻縣向新屯流入本境之西南由程村大曲頭趙官東白廟均家店至東空城會入總支出境入大城縣西北之段家莊子牙

新河長五十九里有奇西支黑龍港河一道與大城縣管理犬牙相錯青邑所屬四段第一段由西南河間遠南頭流入本境東入大城縣界長三百四十三丈第二段由大城縣界流入本境自塔務至邢家廟出境入大城縣界長六百二十丈第三段自大城縣界流入本境至長蘆曠出境入大城縣界之北大木橋長七百五十丈第四段自大城縣界之西南蓋益莊流入本境由西空城至東空城出境會入總支流入大城縣界之東北段家莊子牙新河長四百二十四丈四段共長十一里有奇大城縣界黑龍港河一道自青縣潘家窰遠南頭起至青縣界新河口止長五十里一里有奇辛張村前運河一道上接文安縣界崔家窯起下接霸州界豬頭地止長八里有奇柴溝村界河間交界起至縣屬三岔口止接文安縣柴溝村界長八十一里有奇又按臧家橋迤西為滹沱河迤東為子牙河自楊家口分支繞蔡家窪至西子牙橋歸入正河嗣因支河流暢以支作正又因歸入正河處形勢不順乾隆二十九年水利案內於東子牙村接挑新河二十里至瓦子頭匯入舊河以挑河之土築為東隄水大之年新舊合為一河東北自天津府靜海縣之王家口西北入順天府文安縣之東南境繞縣北流與霸州永清武清二縣分界會大清河入

續行水金鑑卷六十六

運河水

六

淀

其自獻縣完固口東流逕交河縣界至青縣杜林木村與漳河匯流入衛卽漢志所謂別水也又東至

靜海縣下入滄州天津縣合衛河此卽漢志之別河

也

謹按滹沱遷徙無常跡其所行南趨晉冀北擾深瀛其流自北而南趨清河水奪滄陽河之道而北

河別水依舊下合漳御上合潮白以海為歸宿也其故道支流自正定以下不獨川瀆改移卽名稱亦亂而瀛莫之間其東南中間相距數百里所有乾河以漳河為總支西北中間亦相距數百里頗多湮廢而以唐河為古瀆以是推尋則昔時水道尚可約畧其大概也 畿輔安瀾志

按子牙河故道其上流從獻縣西之完固口出單家

橋經杜林鎮至青縣鮑家嘴入南運河嗣以濁流淤

運且運河當盛漲時水不能下於雍正四年塞完固

口使由獻縣之臧家橋循張家莊至王家口入淀淀

又被淤於乾隆十年築格淀隄隔別清渾使子牙別由一道循隄東下至天津紅橋滙運河及大清河入海其張家莊以下分爲正支二河支河繞蔡家窪至西子牙橋歸入正河旣而支河流暢其歸入正河處形勢稍有未順二十九年興修水利

皇上命改支爲正並於東子牙村別濬新河二十里至窪子頭滙入舊河合流至莊兒頭而東三十二年聖駕巡幸天津臨視河工復

命接築格淀隄自莊兒頭西至三灘里屬於千里長隄

俾清淀濁河永無浸溢之患

大清一統志

中堡河漵水故瀆也首起深州饒陽縣東流十里逕

五聖口入河間府肅寧縣西南境之子由口又東流逕肅寧縣城南十五里又名玉帶河又東流五里逕垣城分爲二其分支爲白龍河由河間縣西北境入高陽縣東南境又名趙正河又由高陽東境入任邱縣西南境逕王村口會古洋河入於柴火淀 白龍河中堡河分支也中堡河逕肅寧縣南十五里分支北流凡二十里入河間縣西北境又北流五里逕大城縣境又北流五里入高陽縣東南境微有河形自下河流久失故瀆無存矣 趙王河卽中堡河下流也 古唐河漵水故瀆也首起深州饒陽北之劉家莊東北流入河間府獻縣西北境又東北流入肅寧

縣東南境又東北流復入獻縣西北境又東北流入
河間縣西南境又東北流逕河間府城西繞城而東
又名儉河又東北流會古洋河下入於五官淀 儉

河卽古唐河下流

畿輔安瀾志 今按滹沱滹水相通舊道頗多今大半難考摘其

畧可見者錄之非稽古實存今也

大陸澤一名廣阿澤在任縣土人謂之張家泊元和
志大陸澤一名鉅鹿在縣西北五里東西二十里南
北三十里葭蘆菱蓮魚蟹之類充牣其中卽南泊也
百泉牛尾野澧沙沼劉累程二寨聖水順水蔡馬柳
林等河咸入焉北有穆家口洩之於北泊東有雞爪
張滋等五溝洩之於滏河

本朝順治十八年重濬日久湮塞而五溝亦淤其三祇
有雞爪張滋不絕如縷有所受而無所洩伏秋漲溢
爲瀕澤居民田廬害雍正四年 怡賢親王奉

命查勘委員開穆家口河長四十里挑河之士卽以夾
築長隄導澤水而注之北泊其雞爪等溝亦加疏滌
於是水患旣除水利亦興邢家灣南邊家莊北引流
種稻營田數百頃 按南北二泊正定廣平順德三
府之水會也西帶重山二十餘河之水建瓴而下每
遇伏秋急流飛雨若無二泊爲之翕受節宣其奔衝
橫溢爲何如哉故南之有南北二泊猶北之有東西
兩淀皆治水者所當加意也滹水嘗入北泊塞河口

而環泊州縣受漲溢之害者多年漳河合滏潞入南
泊而穆家雞爪等河塞遂至中滿旁溢任縣隆平坐
受其浸今幸漳漳遠徙然二水故瀆尙存濁流遷徙
靡定旣可不祛而去詎難不引而來且前明之世有
障滹沱而歸寧晉以爲故道者有請濬穆家口俾漳
溢會流者或暫免一方之害或微規目前之利而不
知統計全局之利害其貽患不僅在一時也故僅著
之 又按入泊諸水自浚灋牛尾百泉聖水等河恒
流不竭外其餘春夏每多枯涸然前人載之圖誌設
有橋座蓋以攝水歸泊也雨集山漲由此脈分縷晰
而注之大泊田無宿潦其爲功也大矣有司不知浚

治反聽民佔種一旦山水暴來奔騰四野大爲田害
雍正四年 怡賢親王奏明委員查勘酌量疏通五
年復檄地方官隨宜濬治母任湮塞而有司不知奉
行八年秋雨多水溢環泊十餘州縣皆罹其災上廕
聖懷發帑賑濟過後官民晏然不以爲事昔陸隴其爲
靈壽令令民挖濬衛河其始頗有怨言以爲開無水
之河徒勞民力隴其不顧卒成之已而霪雨水大至
賴此河宣洩至今民猶懷之此賢達之遠見也

畿輔通志

大陸澤在順德府任縣東北二十里卽禹貢所謂大
陸旣作者也古廣阿澤亦作廣河澤一名泰陸水一

名鉅鹿澤一名大麓澤亦作大鹿澤一名大阿澤一

名沃洲俗名張家泊又對寧晉泊而言則名南泊以

其在縣之東又名小東湖南北袤三十五里東西廣

十三里洛河源出山西遼州太行山中東西流逕河

蓋古寢水也二川合而東北入永年縣西北境又東

北流逕狗山北又東流二十里逕臨洛關北又東流十

四里逕龍泉村又東流二十里逕茹佐村又東北流

屠店得沙河故津折而北流逕雞澤縣西東北流逕浮

南和縣東南界又北流十里逕善友村又北流二十

里逕高村入任縣東南界又西北流三十二里逕尼

家莊入於大陸澤劉累河以逕劉累村得名溢陽

河支流也一名小漳河一名舊溢河一名牛尾河溢

陽河東北流至廣平府治西南其北岸為閘九九閘

之水渙流散積滙為大川東北流繞府城而東折而

北流逕下堡店入雞澤縣南境又北流逕雞澤縣城

西又北流逕馬坊營入南和縣東南境折而東北流

續行水金鑑卷六十六

運河水

三

二里入平鄉縣西境又折而西北流二里逕辛寨村

復入南和縣東境又折而東北流二十里逕史家村

入任縣東南境又東北流五里逕劉累村又折而西

北流二里逕尼家莊合於沙洛河入大陸澤

沙河源出山西遼州境一名澗水自遼州分流入直

隸順德府沙河縣西北一自大嶺口東南流十里一

自黃背口東北流十里會於縣西曲折東流於山谷

中凡六十里逕廣陽山下之渡口村又東流二十里

逕左村邢臺之野河來會合流而東凡三十里遇大

沙磧分為二其一繞磧東南流二十里逕縣城南又

東流十五里逕段家莊狼溝河入焉又東南流十五

里逕宋村入南和縣西南境為禮河其一繞磧東南

流三十里逕普通鋪俗名普通河又東流二十里逕

田村入永年縣西北境又東流逕鄭歷村入雞澤縣

西南境屈而北流逕浮屠店分為二支左支名岔營

右一支名小裏河俱北流入焉東北流逕韓固營入

南和縣東南境俗名乾河一名沙洛河又名新沙河

又名程寨東南境俗名乾河一名沙洛河又名新沙河

逕郝橋鎮東又入任縣東南境又屈而西北流二十

里逕莊北流十里逕東盟臺入於大陸澤

逕駱莊又北流十里逕東盟臺入於大陸澤

其上游沙河也

城南又東流十五里逕大趙鎮屈而北流二十五里

逕郝橋西入任縣東南境又北流十里逕臺南村殷
陳溝水東流入焉支流又北流二十里逕東盟臺入
於大陸澤按近古之勢滏陽河為大陸澤灌注通
衢澧河為大陸澤節宣要道本朝順治中任縣知
縣吳懷忠尋得河身再為開濬雍正中怡賢親王
大加修治濬北澧河以達寧晉泊民咸賴之今澧河
淤高水反倒灌奪澤去路澧河亦日淤塞在南者不
足容諸河之水在北者不足洩大澤之水旱則成陸
潦則汪洋即不旱不潦而民不獲利常被水患任民
耕植難以豐收今欲復其故非治滏澧不可而其功
甚鉅蓋難言之百泉河源出郡城東南十二里之
百泉村從地涌出不可數記故以百泉名即古灑水
或云便水一名鴛鴦水匯而為淵廣周十餘畝其清
可鑑分流為二其一北流數百步折而東流二里又
分為二俗名葫蘆套自套而北者北流一里又分為
二一北流過沫耳闢入於七里河一東流逕孔橋又
屈而南流逕王快東市入於七里河自套而南者折
而東流又屈而北流逕西樓下村又折而東南流逕
北屋村又分為二入沙河縣界一南流逕潘莊合於
狼溝河一東南流六里逕下善村亦入狼溝河其一
東流一里逕小廠村又東流七里逕前樓下村過石
橋亦分為二自橋而東者折而北流三里入於七里

續行水金鑑卷六十六

運河水

三

河以下百泉七里互受通稱矣又折而南流七里逕
河會村又屈而東流一里入南和縣西境又折而東
北流八里逕河郭村又北流五里逕小胡村又折而
七里逕賈家村又東北流七里逕王家村入任縣南
境又東北流十五里逕臺南村又北流十五里至王
路村入於大陸澤順水河百泉支流也源出邢臺
縣之東注大賢廣濶永濟重興等十八閘間中散水
積以成川東流自邢臺以及南和河身散漫不復可
考自南和縣東北之賈宋村北入任縣西北之南甘寨
村河頭始顯東北流三十里逕大宋村達活河支流
自河頭村東入焉是名河頭溝又東北十五里逕齊
村又北流二十里逕路村入於大陸澤達活河源
出順德府治西北五里之達活泉一名蓼水西一泉
曰瓦甕東流二百餘武滙為池廣周數百步深可一
丈澄泓鑑澈東南逕郡城北土俗又名牛尾河又東
流逕海會橋野狐泉水注之又東流逕高莊橋沙底
河入焉一名響泉河以下互受通稱矣又東流四里
逕張村又東流十八里逕小呂村百泉河支水北流
入焉一為關家灣閘渠一為永濟閘渠又東北流十
二里逕河頭村入任縣西南境又東流十八里逕任
縣城西其支流東流二十里抵縣城環城為濠又自
西水關入縣城東流逕縣治又東流逕縣文廟又北

流出北水關又於城濠匯入正支其正支東北流逕
縣城北又曲折東北流二十里逕南留寨入於大陸
澤蔡河其上流有二皆無泉源在邢臺縣境者首
起縣北三十里之蘭陽岡東流岡下有小橋跨其上
卽往來驛路也東北流五里入內邱縣界逕下屯村
而東南流五里復入邢臺縣境又東南流五里逕龐
馬村復折而東北流十里逕陳家屯又東北流三里
逕東時村之後有小泉二匯流入焉又東北流與內
邱縣之蔡村河合其在內邱者首起縣西南十里之
狐狸村常時無水爲西南山水及各村瀝水之總道
東行一里逕馬村又東行八里逕縣南二十五里之
梁原店與邢臺縣蘭陽岡對相去五里而近又東
南二十里逕太平村入邢臺縣境又東流十里與邢
臺縣之蔡河合又東北流入任縣西北境逕張霍村
又東流河形漸微又東流二里河形復顯又東流合
於聖水河又東流八里小馬河自唐山縣東南流入
焉又東流十里逕馬河橋入於大陸澤李陽河源
出內邱縣西北五十里之且停山兩源並發合而東
流三十里逕石河村分爲二雙導並屈而北流二十
里逕內邱縣城西復合爲一折而東南流五里逕李
陽村又東流十三里逕河渠鋪入唐山縣西境又名
馬河又東南流五里逕高村又東南流二十里逕景

續行水金鑑卷六十六

運河水

三

福村入任縣東北境又東南流逕牛村羊村入於大
陸澤雞爪河在大陸澤東北源出大陸澤中之環
水村東流七里在邢家灣歸滏陽河其北有溝名小
雞爪皆洩水之路穆家口河雞爪河下流也雞爪
河逕穆家口分二支一東流逕邢家灣入滏陽河一
東流入新澧河新澧河卽澧河下流也一名北澧
河在大陸澤北起自穆家口亦名穆家口河北流五
里逕崔家莊入隆平縣東南境又北流四十里入寧
晉泊全澤之水所由以歸此泊者也謹按新澧河
卽舊滏陽河所行之道也往時澧河至穆家口會滏
陽河北入寧晉泊直下天津明嘉靖間發夫修濬自
萬歷二十六年漳溢入滏滏亦東徙此河遂淤於是
全澤之水惟憑雞爪一河瀉入新徙之滏而新滏又
日淤爲害滋甚雍正四年乃復修浚蓋自元郭守敬
至此澧河凡四治矣夫不治者今新澧之入隆平界
爲大澧治而大陸澤無不治者今新澧之入隆平界
者農人多爲閘蓄水以灌田河身日窄其流不暢隆
民復築長隄於穆家口北水發無去路大陸澤遂長
爲任患云又按北澧河乾隆二十八年估挑因勘
入緩工而止原奏畧云北澧河長四十七里爲兩泊
轉輸要道間段淤淺各加濬治以暢下注估挑面寬
六丈底寬三丈深八九尺不等約需銀五千六百五

十一兩零 謹按大陸澤舊時所謂九河入水者蔡馬二河合聖水以歸滏陽百泉合達活以歸滏陽滏河合百泉以歸滏陽洛沙俱由石家渠以歸滏陽滏河入滏河入馬河牛尾河入順水河順水河入達活程二寨殷陳溝俱入滏牛家口河入滏是則十七水者罔不歸滏陽河故滏陽河又為大陸澤之尾閘也

畿輔安瀾志

寧晉泊一名胡盧河在寧晉縣東南自隆平縣流入又東北入冀州界舊志在縣東南二十里東西徑三十里其上流即漳水與滏水合流會大小羣川注此土人稱為寧晉泊即北泊也洩河治河沙河沛河槐河午河李陽河七里河滏陽河咸入焉自滹沱河南徙由賈口而入淤塞滏河故道三十餘里水無所洩遂衝決洩口營上等村而東注水口河身亦多淺溢

續行水金鑑卷六十六

運河水

雍正三年滹沱東徙不復入泊四年 怡賢親王奏請開挖自黃兒營至營上村一路展寬濬深泊水始

得暢洩

畿輔通志

寧晉泊在寧晉東南二十五里亦即大陸澤也一名

胡盧河一名北泊

新滏河出順德府邢臺縣之百泉河即南滏河北滏河也其名新滏

由明嘉靖中重為濬治故也自大陸澤北流五里逕舊城村東崔家橋入隆平縣東南境又北流五里逕舊城村東又北二十里逕羊毛坑塔入於寧晉泊 抵河其源有二一出臨縣西七十里之敦與山下東流二十里逕三峽村與臨城之水會二水合而東流三里逕東堅村則有天臺寨水入焉又東南流四里逕柏暢村是名三斷綠楊河則有乞了山水入焉又東南流逕臨城西又東南逕城南五里則有八里溝水入焉又東南流逕鈞盤山又東南流逕西尹村仍入於內邱縣東南境逕東尹村俗名尹村河又東北二十二里入唐山縣西北境逕唐山縣城北又東流逕宣務

山又東流逕官莊入隆平縣西境又東北流五里逕隆平縣城北又東北流二十里逕王家莊入寧晉泊午河源出臨城縣北五里逕鎮內村入柏鄉縣西南境支山也東流二十四里逕故城南又東南流十里逕柏鄉縣城南又折而北流一里環城為濠又折而東流十二里逕南滑北滑入隆平縣西北境又東流二十里逕黃家莊入寧晉縣東南境入於寧晉泊沛河出贊皇縣西六十里之小石門贊皇山別阜之麓也一名石濟水一名白溝水一名沙水北流十五里逕胡家庵又東南流二十五里逕贊皇縣南十里又東流四十里逕王俄村入高邑縣西南境又東流三里逕房子故城北又東流四里逕千秋臺北又東流三里逕高邑城南又東南流十二里逕莊頭村入柏鄉縣西北境俗謂之槐河其分支自莊頭村東逕光武廟白社村營兒村中黃泥入於隆平縣之西南境其正支又南流十二里逕柏鄉縣西北其分支南流會於城濠其正支又東流逕柏鄉縣城北又東流十里逕黃家莊入寧晉縣西南境則有新挑河自高邑縣西北東南流入焉又東流至北魚村入寧晉泊槐河古沮水也源出贊皇縣西北七十里黃沙嶺亦名渡

續行水金鑑卷六十六

運河水

水亦名濟水亦名黑水亦名白溝河亦名野河亦名槐武河亦名沙河亦名泚河自黃沙嶺下至黃沙嶺口東流至堵戶村河形湮廢幾不可識自堵戶而下合野狐泉泥橙口段嶺口諸水河流始顯東流逕贊皇縣城北五里又東流十里逕東高村入元氏縣西南境又東流逕紙屯村泚水自封龍山東南流來會自下槐水泚水俱得通稱矣又東流逕元氏縣城南逕大陳村入高邑縣西北境又東南流逕高邑縣城南南十四里西北南流逕河頭村入趙州西南境土俗名之沙河又東南流逕野雞鋪又東南流逕南封村入寧晉縣西北境是名槐武河又東流逕寧晉縣城南又東流至大曹莊入寧晉泊浚河源出正定府獲鹿縣西南五十里井陘山一名童水東流逕封龍山北則有金河會新渠水東南流入焉又東流逕高遷村北沙河東流入焉又東南流逕趙莊元氏縣之南沙河東縣西北境又東南流逕新莊元氏縣之南沙河東流入焉又東南流逕龍門村入趙州西北境又東南流四里元氏縣之豬龍河東南流入趙州西北境又東南流里逕邢村井陘縣之冶河東南流來會又東南流二十里逕趙州城南五里又東流十二里逕寧晉縣城南其分

流寧晉渠古名新渠又東南流十四里逕東汪村入於寧晉泊 七里河在寧晉縣南二十五里河身在寧晉泊內上下源流不可考志以爲槐午諸河之下流蓋洩泊水而注之滏陽河者自滏陽河東徙七里河與泊混而爲一僅有其名矣 新挑河雍正五年起自寧晉泊南泊口爲灋河出泊之路亦洩河入泊之路也引泊水達於滏河東北流十二里逕東侯高村入於滏陽河乾隆二十八年估浚後勘爲緩工而止 謹按寧晉泊在滏陽河之西岸下游由七里河新挑河入滏自乾隆五十三年廣陽隄廢滹水南來挾沙而行將滏河下游正身淤塞連年南徙遂將北泊淤爲平地嘉慶六年大水愈淤愈高泊水漫溢入滏滏河下稍不通無路宣洩遂將東岸隄堰衝決水趨東岸民田自六年以後連年冲刷已成河形總督溫承惠奏請將已成河路之處就其深淺分別挑挖使水有歸宿民業乃安 畿輔安瀾志

滏陽河亦名滏水水源出磁州神麇山東北流經邯鄲縣東三里會渚沁二水一統志舊滏河在雞澤縣西自永年通水開北流逕此又北達平鄉縣入寧晉泊

續行水金鑑卷六十六

運河水

五

舊道紆曲不能容常潰決爲民患 本朝康熙七年知縣姜照挑濬新河以導其流自馮鄭村至亭泊頭長二里許六方等村永無水害按滏陽河舊合漳流故多衝溢今漳水東徙經魏縣元城抵館陶入衛遂不與滏合滏水獨行貫寧晉泊而出至衡水縣界滹沱河出焦岡合流徑冀州武強獻縣河間青縣大城入淀名子牙河其支流自完固口徑杜林鎮抵青縣之鮑家嘴入南運河近已淤淺唯子牙一支爲巨津焉自寧晉泊以上滏水所經州縣引流種稻沿河間座甚多而磁民欲專水利以致下流稻田多廢爭訟不休雍正四年 怡賢親王奏稱查廣平府舊志磁

州屬廣平路領成安今成安現隸廣平則磁州本非
豫屬明矣請將磁州改歸廣平府則滏陽一河全由
直隸統轄均水息爭同安樂利矣奉

旨怡親王奏請將磁州改歸廣平府管轄以收滏陽水
利稽考志書相度地勢援古証今俱爲符協似於廣郡
一帶民田大有裨益著九卿會議具奏嗣經戶部議覆
應如所請行自是廣平以下均沾河潤各州縣營田
多至二千餘頃從前斥鹵盡爲稻鄉矣 按滏河隄
岸例係瀕河村莊修築工多力寡難免潰決應照千
里長隄之例將該州縣隄工丈尺查明按通邑里甲
攤派均修造冊存案永著爲令工少人多自成鞏固

矣出泊以下水勢倍增會以滹沱悍流民堰難資捍
禦雍正八年衡水隄決溢流直犯青縣應將臧家橋
以上直至衡冀一帶民堰令地方官查估動帑增修
工竣仍照千里長隄例令民間常年修補

畿輔
通志

滏陽河本名滏水在磁州境其源有二一出州西南
四十里之神麇山一出州西北四十五里之鼓山其
出神麇山者東北流二里逕臨水村與鼓山之水會
其出鼓山者東南流三里半則有八字澗在州西北
七十里自山西分流東南流入焉亦至臨水村與神
麇之水會流合一有廣盛泉水東流入焉又東南十
五里至九龍口則羊渠河水入焉又東南流十八里

則泥河水入焉又東南流四里逕西閘播爲五爪渠
玉泉之水入焉又東南流十六里逕州城南五里遶
而東折而北流逕州城東又北流凡三十六里逕東
閘分支爲西東北三渠又北流二里逕屯莊則有牝
牛河合賀蘭河水自州西北東流入焉又北流五里
則有澗河自州西北東流合波水溝入焉又北流四
里逕張家莊入邯鄲縣南又北流東轉十四里又屈
而西北流十二里又北流東轉十六里逕羅城頭則
有渚河自縣西東流入焉又北流十六里逕邯鄲縣
故城東又北六里逕蘇曹村則有沁河自縣西合牛
照河東流入焉又北流東轉十六里又屈而西北流
十里又折而東北流十里逕馮村則有輸龜河自縣
西北東流入焉又北流三里則有柳楊河自縣西北
三十里之兩岡村東南流二十里逕蘇里閘入焉又
東北流十二里逕唐家屯入永年縣西南境又名柳
林河又東流十二里逕永年縣西境其分支爲小滏
河一名舊滏河一名牛尾河一名劉累河又東流十
五里逕廣平府城南其分支環城爲濠又折而北流
逕郡城東凡十里又折而東北流二十里逕于家寨
入曲周縣西南境又東流八里逕滏陽集得漳河支
流故跡又東北流二十里逕曲周縣城南折而北流
繞城東八里又北流十八里逕舊城營入雞澤縣東

南境又北流十六里繞雞澤縣城分爲二支南爲文
明河北爲興隆河皆東流入於城隍其正流又北流
十里逕東於自口入順德府平鄉縣東南境又北流
十二里逕平鄉縣城東七里又東流十四里逕油臺
關折而東北流十二里逕豆店橋又屈而西北流十
八里逕龐家莊入任縣東南境逕新店橋又北流三
十里逕邢家灣則有縣東北大陸澤之水自雞爪河
東流入焉其東岸入鉅鹿西北境者長一百里又北
流三十里迄范家莊入隆平縣東南境又名清水河
又北流五十三里逕耿家莊入寧晉縣東南境又北
流三十五里逕浚口村則有縣東寧晉泊之水自新

挑河東流入焉又北流十里逕小河莊則有鹹河自
正定府藁城縣東南流入焉又折而東北流十五里
入冀州西北境舊自保定府束鹿縣南之百尺口合
滹沱河入冀州西營圪塔村爲滹滏會流河乾隆二
十四年滹沱改流由晉州魯家莊入寧晉縣東北境
分東西二支東由冀州營圪塔村入滏西由縣境營
上村東入滏自冀州而北皆爲滹沱所奪不復名滏
矣嘉慶六年以後冀州新河寧晉隄工俱有漫口河
泊相連民船商艘徑由冀州之柏牙莊新河縣之大
田莊寧晉縣之侯家口等村入泊連年汕刷河形已
成則又非曩時故道矣

千里長隄起清苑縣界訖獻縣之臧家橋周回於順
天保定河間三府之境長千有餘里沿河繞淀為數
十州縣生民之保障康熙三十五年大水多漫決坍
頽我

聖祖軫念郊圻頒發帑金

命河臣王新命徧行查勘一例加修增設縣丞主簿等
官管理隄固河平民享樂利者二十餘載雍正三年
大水漫決尤甚存者亦大半殘缺四年

上命 怡賢親王委員領帑畫地修築加厚增高統於
是秋告竣奏隸河道統轄董理責成工程日以堅固
迄今六十載高下豐稔瀕河近淀州縣井閭皆歌樂

續行水金鑑卷六十六

運河水

三

土焉

畿輔通志

又東南運河合漳水滹沱河水來會

詳下衛河

又東南至大

沽北入於海

皇朝通志

又東南運河自南合漳水滹沱東北流來會經府城

北又東南至大沽北新河南入於海

府東北有大河由西南流入直

沽自天津而東百餘里水經靳家窩鄭塘莊雙港新莊南陽馬頭鹹水沽葛沽郭家沽之北其東即大沽海神廟也水道提綱

謹按海河受直隸全省之水輸之於海南流逕大直
沽則有陳家口引河入於賈家沽道引河南流入焉
又東南流逕賀家口則有賀家口引河逕何家圈則
有何家圈引河逕雙港則有雙港引河南逕白塘口

則有白塘口引河又東流北折又屈曲東南流又折而東流逕鹽水沽則有鹽水沽引河俱東流入焉又東流折北逕泥沽則有泥沽之水入焉又東流折北屈而南流逕盤沽則有盤沽之水入焉又東南流逕葛沽則有葛沽之水入焉又東流逕盧家莊沽則有盧家莊沽之水入焉又東南流逕黃家園沽則有黃家園沽之水入焉又屈曲東南流逕鄧善沽則有鄧善沽之水入焉又東流折南薊運河西南來會又東南流逕大沽又東南流逕東沽入於海

畿輔安瀾志

薊運河古鮑邱水合洵泃庚灑藍巨梁諸水以成者

也自西迤東水源不一明嘉靖二十四年遏潮河不

使入順義縣境由密雲縣合白河爲北運河其下自白河支分循其故道以入於海亦謂之潮河鮑邱河在三河縣西南上接順義縣境上無來源至縣東青陽屯始有河形東南流逕陽店鎮東泥窩鋪西又東南流逕料馬莊出境又東南流入寶坻縣北境又東南流逕王甫營則有窩頭河之水自西來注之又東南流逕龍虎莊又東南流逕張司馬莊又東南流逕林齊口又東南流逕王山莊又東南流逕郭家莊又東南流抵寬江村南八門城北則抽針河之水自西來入之東南流合於洵河洵河發源薊州黃崖口外名黃崖川古廣漠川也俗名頭道河南流入黃崖關

又西南逕平谷縣南舊有獨樂河合馬莊河逆流河盤山水入之又南流逕三河縣東北境則有周村河合石河顧現河芮家營之水自西來注之即泃河也

名之曰泃口俗又謂之錯河又南流逕絳城東謹按一統

志云絳城在三河縣舊志云今有英城在城西北三十里此即絳城之訛又謹按絳城水經注誤作縵又誤為英三河縣志遂以為元耶律英公之城更誤矣則有五百溝水靈山泉水

東流注之又南流逕縣城東又南流逕石牌鋪直縣治東南隅有水注之蓋錯河之分支俗稱七渡河水

非也又東南流逕四河村又東南流逕料馬房入寶坻縣白龍港則有沽河水自北來合之沽河古庚水

亦謂之溲水一名雲溲水亦曰梨河以下流入沽故

續行水金鑑卷六

運河水 三

名沽河或以為林河音訛而為梨或以為唐水庚水

俗又謂之還鄉河皆非也源出遷安縣界之鹿兒嶺西流入遵化州東境則有大水峪小水峪之水自北

來注之又西流則有松棚河水自北來注之又西流則有三小泉南北夾注之又西流則有雙泉寺水自

東南來注之又西流逕龍潭又西流逕牛門口又西流逕蔣家莊迤西南流則有南岡之水自北來注之

折西流逕李家莊又西流逕賈家莊又西流逕水門口而西曰合河則有沙河合諸水自水門口注之沙

河在遵化州西古灑水也以其出自口外諸山谷中眾水所匯故名十河折東流又屈西逕藥王廟西又

西南流逕州城南關環城爲濠又西南流逕十里鋪
又西南流出水門口河則有湯河馬蘭峪河大安口
河冷嘴口河清水河五里河入之口外爲石門峽灑
水所從出也又西南流折南逕柳貫莊西南下合於
梨河曰合河又西流逕蒼山鎮又西流逕孫家樓又
西流逕張子村曰張子河則與龍口河入焉有淋河
之水自馬仲橋北來注之自發源至此長一百一十
里西南與玉田縣分水又西流入薊州東南境之南
三岔口則有黑泉水注之又西流逕六百戶莊于家
橋楊各莊十百戶莊則有老廟泉下莊泉高家窪泉
桃花山泉神仙泉水注之又西流逕館驛前直薊城
南五里名之曰沽河則有陽河合白馬泉西來注之
折南流逕五里橋下又南流逕西河套又南流逕蔡
家莊又南流逕激流店又南流逕窩頭又南流逕周
各莊又南流逕上倉店東直別山又南流逕程子口
又南流逕王家淺又南流逕堰頭莊則有隅頭泉合
黑泉黃泉大駝泉排源泉天心泉景家泉龍泉定福
泉龍王泉水入之又南流逕消流店又南流逕老曲
莊又南流逕楊各莊西對白塔鋪又南流逕康各莊
又南流逕下蒼又南流逕嘴頭莊則限渠泉合盤山
泉龍口泉瀑水泉白澗泉沙河溝諸水入之與洵河
會於白龍港計自南三岔口至嘴頭莊長一百三十

里沽河洶河既會於白龍港東流逕柳林口又東流逕北潭又東流逕龐家場又東流逕新安鎮又東流逕高家莊又東流逕樓家莊折南流逕小河口入玉田縣境則有紫金泝水合螺山水采薺橋河水自東北來注之又東流逕丈二窩則有小泉河水自東北來注之又屈曲南流逕楊家套又南流逕大沽又南流逕畢家莊又南流逕灘沽莊又南流逕凌眼莊又南流逕魯沽莊又南流逕石臼窩西長亭莊東又東南逕芝蔴窩又南流逕寬江村則有鮑邱河窩頭河水合流自西來注之又南流逕八門城又南流逕託床沽又南流逕楊家莊又南流逕走線莊又南流逕

張窩頭迤東南流逕盛家莊則有還鄉河西岔支入焉又東南流逕寧河縣江潢口爲潮河潮河卽洶河梨河還鄉河諸水所匯古鮑邱河入海之故道自寶坻縣之白龍港抵寧河縣之江潢口屈曲南流逕落波亭又南流逕幫道沽又南流逕清泥沽又南流逕岳旂莊又南流逕江石沽又南流逕小楊莊又南流逕田家莊又南流直縣北之板橋莊遶城東流逕東窩莊又南流逕南窩莊迤西流逕西園又南流逕果園又南流逕米廠又南流逕木頭窩又南流逕大挺莊又南流逕蘆臺鎮又南流逕北澗沽則有七

里海之引河西來入之又南流逕田家莊又南流逕漢沾莊又南流逕寨上莊又南流逕南澗沽又南流逕營城莊又南流逕塌洵莊又南流逕避風嘴則有曲里海之水自寧車沽西北來注之又南流逕北塘口計自江潢口起至此長一百五十里有新引河之水自天津西來橫入之又南流入於海

謹按新河在寧河縣北明

天順二年開西起天津直沽東至北塘口與蘆運河合以通漕艘長四十里後廢本朝康熙三十四年重開寶坻縣志康熙三十四年重開新河一道長二千一百八丈底寬二丈面寬二丈五尺深五尺每歲檄鄰邑協修雍正十年分設寧河縣其河則寶邑承挑一千一百丈寧河承挑一千八丈乾隆元年發帑歲修專歸寧河

謹按一統志新河故道自寶坻縣東流逕豐潤縣南又東逕灤州南又東至樂亭縣入濡水舊志有潮河在灤州南一百三十里海水蕩

滴流延百餘里乃黑洋海口東派北運會家灣流至

續行水金鑑卷六

運河水

濟民場東距蠶沙口二十里亦名林裏疑即新河餘

天津東即豐潤界豐潤縣志海在縣東南二百里西南接

際遼海西抵直沽南達登萊浩瀚千有餘里為還鄉

河在縣西三十里夾於清灤之間即古新河也自雍

奴而達海會灤水雍奴即武清鮑邱水即灤河也蓋

此渠廢而東餉遂由海道風帆浪泊時日靡定矣水

經注濡水篇濡水東南流逕樂安亭南東與新河故

瀆合自雍奴縣承鮑邱水東出謂之鹽關口魏太祖

征塌頓與洵口皆導也世謂之新河矣陳壽魏志以

通河海也新河又東北出逕石北平絕洵渠之水又

東北逕昌城縣故城南至新河又東分為二水支瀆

東出海陽縣與緩虛水會又東逕海陽故城南又東與清

水會又東至九過水出口又東逕海陽故城南又東與清

會於濡詳其水道蓋西起天津東盡灤河以達海古

新河橫亘道里之長如此明時所開僅四十里起武

清迄寶坻未及古水道十分之三猶仍舊名而謂之

新河非謂至此新開也樂亭縣志之言為得其實矣

畿輔
安瀾志

續行水金鑑卷六十六

運河水
三五

續行水金鑑卷六十六終

